

# Tástáil Chaighdeánaithe 2020/2021



## Triailscór caighdeánaithe do pháiste a thuiscint i gcomhthéacs a t(h)uairisc deireadh bliana le haghaidh 2020/2021

Beidh tionchar imeartha ag COVID-19 agus ag dúnadh na scoileanna ar pháistí i slite éagsúla le bliain anuas agus mar sin is tábhachtach é seo a bhreith chun cuimhne agus tuairisc deireadh bliana do pháiste á léamh agat.

Gach bliain, úsáideann scoileanna trialacha caighdeánaithe sa mhatamaitic agus sa léitheoireacht le páistí i rang a 2, 4 agus 6; agus roinntear na torthaí seo trí thuairiscí deireadh bliana. Tugtar léargas sna trialacha caighdeánaithe ar ghnóthachtáil do pháiste i réimse foghlama áirithe. Ní féidir íomhá iomlán de do pháiste mar fhoghlaim a thaispeáint iontu. Forbraítear trialacha caighdeánaithe chun na meáin i measc líon mór páistí a thaispeáint. De bharr gur forbraíodh na trialacha sular tharla COVID-19, ní chuirtear an phaindéim ná na slite inar athraigh sé saol na bunscoile sa bhliain atá caite san áireamh iontu. Is é a chiallaíonn sé seo ná go bhfuil na trialacha caighdeánaithe bunaithe ar pháistí nach raibh tréimhsí fada le scoileanna dúnta agus le cianfhoghlaim acu. Mar thoradh air seo, d'fhéadfá tabhairt faoi deara go bhfuil triailscór caighdeánaithe do pháiste athraithe ón uair dheireanach a roinneadh a t(h)riailscór leat.

Chun tuiscint níos fearr a fháil ar fhoghlaim agus ar dhul chun cinn do pháiste le linn na bliana, tá sé tábhachtach tagairt don eolas ar fad i dtuairisc deireadh bliana do pháiste. I dtuairisc do pháiste, cuirfidh an múinteoir aiseolas ar fáil ar réimsí ar nós:

- do pháiste mar fhoghlaim
- forbairt shóisialta agus phearsanta do pháiste
- foghlaim do pháiste sa churaclaim tríd síos
- slite inar féidir leat níos mó tacaíochta a thabhairt i dtreo fhorbairt do pháiste.

Agus iad ag líonadh an tuairisc deireadh bliana, beidh machnamh déanta ag múinteoir do pháiste ar na slite difriúla inar oibrigh sé le do pháiste le linn na bliana – obair sa rang, obair amuigh faoin aer agus cianfhoghlaim san áireamh. De bharr na gcoinníollacha eisceachtúla ar thug do pháiste agus múinteoir do pháiste aghaidh orthu i mbliana, d'fhéadfadh tuairisc do pháiste a bheith ábhairín difriúil óna thuairisc scoile dheireanach. Bainfidh múinteoir do pháiste úsáid as an eolas a bhailigh sé le linn na bliana, triailscór caighdeánaithe san áireamh, chun cabhrú leo pleanáil i dtreo an tslí ina dtacóidh sé le do pháiste nuair a athosclaíonn an scoil i Meán Fómhair.

I gcás tuismitheoirí agus caomhnóirí nach bhfuil cur amach acu ar thrialacha caighdeánacha, an fheidhm atá leo agus an slí inar féidir iad a léirmhíniú, d'fhéadfadh go mbeadh spéis agat an t-eolas ar an mbileog eolais atá ar fáil ag:

**[ncca.ie/primary/reporting-and-transfer](https://ncca.ie/primary/reporting-and-transfer)**

Má tá buairt ort a bhaineann le tuairisc deireadh bliana do pháiste ba cheart duit teagmháil a dhéanamh leis an scoil sa ghnáthshlí.



**NCCA**

An Chomhairle Náisiúnta  
Curaclaim agus Measúnachta  
National Council for  
Curriculum and Assessment